

東華續錄

道光三十四

臣王先謙敬編

臣周潤著恭校

秋七月壬午朔諭汪振基奏山西省壽陽等縣均有三教廟至聖先師孔子與佛老同廟供奉與祀典不符著申啟賢通飭各屬卽行更正其各省有似此同廟供奉之處著各該督撫一律更正以崇正學○癸未桂祖洛丁憂以鍾祥爲閩浙總督經額布爲山東巡撫楊殿邦爲山西布政使調唐鑑爲貴州按察使慶林爲山西按察使李振翥爲山東按察使以劉鴻翱爲陝西按察使

由甘肅

州道

○乙酉諭哈豐阿奏參在京大員干預本地公事並將原給

書信條議一併呈覽一摺御前侍衛都統尚喀策負恩膽大自取罪戾著卽革職交御前大臣軍機大臣會同審訊具奏又諭本日

東華

道光三十四

據哈豐阿參奏高喀鼐以在京大員干預地方公事地實區陳可嘉之至哈豐阿以武職出身人員乃能秉公持正不心嫌怨誠不愧爲滿洲大臣著賞加太子太保銜授爲內大臣所有應賠款項加恩全行寬免以示嘉獎朕綜理庶政十六年來訓誡臣工惟求實心實政力挽瞻顧徇庇之風使內外臣工皆能振刷精神破除情面勉副朕意何患不紀綱肅清日臻上理耶嗣後內外交武大臣皆當以哈豐阿爲法祇知尊君親上各矢公忠屏卻私情而挽積習朕有厚望焉○丁亥諭昨據著英檢舉高喀鼐前向索看戶部議覆黑龍江調劑牲丁摺底曾經將手摺給看等語部院辦理事務各有專司卽如戶部所辦議覆摺件惟應該衙門堂官互相商榷外此不得與聞卽如已公定亦不應將摺底交給外人致滋干預著英於高喀鼐回伊犁摺底閱看輒將摺底交給高喀鼐殊

屬疏率著英著交部議處○己丑齡高喀爾以一品大員於黑龍江歷久遵辦公事輒因私意妄託該將軍更改章程恣憑奏辦國家設官分職內外文武衙門各有專司一應公事俱不得越俎干預高喀爾身受殊恩在內廷行走有年宜何如小心謹慎勸已奉公乃敢私致書函屬託公事負恩贍大自取罪戾見經卿前大臣等審訊將高喀爾擬發軍臺效力贖罪不足蔽辜高喀爾著改發熱河充當苦差伊子安興阿克隆阿俱著即行革職一併發往熱河充當苦差以示懲儆已革藍翎侍衛那提順代高喀爾書寫信函係聽從主使並無干預別情惟未能阻止亦有不合著開復原官仍交部照例議處○癸巳諭前因高喀爾以在京一品大員內廷行走多年輒以私信屬託公事且有牽涉九卿戶兵二部代爲通融等語負恩贍大自取罪戾業經將伊併其二子一同革職發

往熱河充當苦差以示懲儆因思東三省暨西北兩路以及各直
省大員與在廷諸臣書信來往亦所時有其間干預公事私相囑
託未經舉發者實不能保其必無在廷諸臣於地方應辦緊要公
事如果確有把握不妨據實奏聞儻可採納朕必立見施行若以
私書屬託公事挾持地方官意在必行玩法孤恩莫此爲甚封疆
大吏均經朕特加擢用自當各矢公忠不避嫌怨方爲不負委任
嗣後儻有似此干預屬託一經舉發高喀築卽其前車之鑑地方
大吏儻受其屬託或代爲徇隱不卽據實參奏別經發覺一併執
法嚴懲決不寬貸將此通諭中外知之○甲午諭御史董宗遠奏
請飭禁各省班館一摺州縣爲親民之官辦理詞訟務宜速審速
結小民庶免拖累卽地方囹圄之設所以待有罪尋常案件原不
准其私押近來外省州縣竟有設立班館羈押人證甚至經年累

月隨意拖延以致胥役勒索民冤莫伸不可不嚴行查禁以靖閭閻著直省各督撫督飭各州縣毋得設立班館審理詞訟務須遵照定限卽行審結儼仍有久羈未結案件卽將該州縣據實嚴參本管道府扶同捏飾卽由該上司一併參處決不寬貸○丙申大學士文孚以年衰乞免允之予食半俸○戊戌諭前因有人參奏上年廣東隨帶司員白讓鄉陽金城等有得受苞苴之處當降旨將白讓鄉等解任飭往廣東交恩銘趙盛奎等密加訪查據實嚴訊恩銘等卽提訊石綸亭實有託寄箱隻情事自應俟白讓鄉等到案質訊乃遽奏稱自粵起程迎至前途提訊已有不肯認真問訊之意本日恩銘等奏查審情形輒據白讓鄉陽金城一面之詞遂謂所供並無收受苞苴餽賂情事尙屬可信審理案件於案情無可依據之處尙須逐細研求出端倪方成信據此案既有寄

託箱隻之石輪亭代寄通州之知縣趙桐無難三面質對至陽金城所帶衣箱如許之多已出情理之外又有家丁可執即使見在未盡隨至廣東查傳提訊不過稍淹時日何得籲預將就豫存和事之見據其所具親供信以爲實乎朕非謂白讓卿陽金城必有得受苞苴情事然查辦事件總須得一實字似此查奏豈非有意草率枝梧迹近欺罔殊失朕以誠委任之義恩銘趙盛奎俱著交部議處○庚子命穆彰阿爲武英殿大學士管理工部以琦善協辦大學士仍留直隸總督任調耆英爲吏部尚書奕訢爲戶部尚書禧恩爲兵部尚書以武忠額爲理藩院尚書凱音布爲左都御史

由察哈爾都統遷

○壬寅革恩銘尚書都統降爲三品頂帶仍帶革職留任革趙盛奎侍郎軍機大臣降爲四品頂帶以三品京堂候補仍帶革職留任○以貴慶爲禮部尚書降恩銘爲刑部侍郎○

調龔守正爲戶部左侍郎轉卓秉恬爲吏部左侍郎調陳官俊爲

吏部右侍郎轉史評爲禮部左侍郎以王植爲禮部右侍郎

由內閣學

士○丙午諭盛京爲根本重地風俗素稱淳樸前因有演戲賭博

等惡習屢經降旨飭令該將軍等實力嚴禁乃挽頽風因思陪都

地方近因五方輻輳難免漸染紛華演戲雖經禁革難保必無賭

博之習尤爲人心風俗之害甚至服飾競爲新奇耳目衆勢所

必至著該將軍尉尹等隨時整頓實力稽查戲班賭棍驅逐嚴拏

其服飾新奇不合舊式者立即嚴行禁止以期還淳反樸力挽頽

風○戊申諭正日旗漢軍都統奏本年致祭明陵侯朱貽坦出缺

該族中並無品級較大之員惟有候補通判書桂請卽派書桂代

爲致祭等語書桂品級尙小未便致祭此次著派委該族大臣樂

英致祭嗣後春秋一季致祭明陵著仍照舊派承襲侯爵之前人前

往致祭如無襲爵之人或力有爭故不能前往即派伊族中品級較大之員代爲致祭若該族亦無品級較大之員卽由該旗請旨派散秩大臣致祭著爲令用不勝加禮前朝之意○是月展緩河南原世縣歉收新舊細賦有差

八月壬戌以吳其濬爲內閣學士兼禮部侍郎銜

由通政司副使遷

○調

陳崇禮爲福建布政使以顏伯燾爲直隸布政使

前任直隸布政使

○癸

酉諭向來殺逃匿名文書告言人罪拾獲者照例銷毀原所以嚴奸宄而防傾陷近來一省士民習染漸深往往編造歌謠妄將該管各官肆行詆毀冀洩私忿迨經簡派大臣前往或交督撫大吏秉公查訪所指各款多屬子虛而爲所指斥者不但聲名頓減且牽涉多人紛紛提究受累已不待言揆厥由來大率懷挾私仇妄希拖累又慮出名控告一經審訊卽照誣捏治罪是以情變百出

作爲歌詞隱匿姓名巧相誣讎卽審明實無其事全係捕風捉影之談亦得置身局外無從究治其罪是此等鬼蜮伎倆實與匿名揭帖無異於風俗人心大有關係不可不嚴行查禁嗣後各直省大吏遇有傳播歌謠指斥公事者惟當虛衷體訪嚴密根追並究明編自何人一經得有捏寫主名卽行密拏到案訊明平日有何仇怨照例嚴行懲治毋稍寬縱以省株累而挽頹風

九月癸未諭軍機大臣等據御史陶士林奏棚民開山種植病農藏奸請飭查禁一摺江南地方素稱沃壤若棚民開山種植日漸加增土鬆石碎大雨衝刷盡納於下游河港之中年復一年必致淤塞河道且棚民俱係外番蹤迹難測匿奸窩盜難保不滋生事端著陶澍等嚴飭所屬各州縣於棚民墾種處所設法嚴密管束或寬予限期令其漸回本鄉其未經開種之山著卽嚴行查禁務

當通盤籌畫毋令日久滋弊是爲至要○戊子添設龍泉峪妃園

寢內務府主事副內管領各一○庚寅史譜以病免轉祁寯藻爲

兵部左侍郎以潘錫恩爲兵部右侍郎

山左副都御史恩

○楊名鵬緣事

解任以湯金釗暫署陝西巡撫

由吏部尚書署

○壬辰諭軍機大臣等昨

據湯金釗等奏參楊名鵬業經降旨解任交辦矣楊名鵬歷任陝

西多年如果查有簠簋不飭等事著卽一面革職查封任所貲財

不准偷漏隱匿一面具奏嚴辦其袒護同鄉一節亦著逐細查明

具奏至李廷錫既署臬司於地方重案自應嚴實辦理何以被該

撫指參繳任之後始赴湯金釗等處呈遞稟詞難保非挾嫌訐告

亦應徹底根究以成信讞而昭平允湯金釗等俱係朕特簡著破

除情面無枉無縱勉副朕殷實辦公至意○以德興爲泰甯鎮總

兵官調德春爲盛京戶部侍郎以惠吉爲盛京兵部侍郎

前任廣西巡撫

○以甯呢楊阿爲陝西巡撫

由烏魯木齊都統遷

○庚子

上閱健銳營兵

○壬寅以李象鵬爲江蘇按察使

由江西吉甯州常道遷

○甲辰諭本日據

刑部奏審擬太監張爾漢等屬託公事一摺已依議行矣此案太監張進忠因賭博被獲自有應得之罪總管太監張爾漢輒向者英懇求釋放首領太監許福善從旁幫說均屬不合此等小人不知事體輕重冒昧干求者英身爲一品大臣如其事關重大自應據實奏聞即使情節較輕亦當正色拒絕面斥其非乃輕聽張爾漢等懇求之詞遽令所屬員弁留供取保解回當差殊非公正辦事之道此案情節本屬細微惟太監人等於外廷事件安有干預者英既不能嚴行拒絕又復聽其請託如此瞻徇卑鄙尙安望其秉公持正爲國宣力耶著英著交都察院嚴加議處卽來京聽候諭旨所有前交查辦江西事件如尙未完結卽著朱士彥會同陳

鑾辦理其廣東應查各案著朱士彥會同廣州將軍蘇勒芳阿秉
公查辦 丙午諭刑部侍郎明訓經朕由內閣學士沔濯卿貳昨
日到京召見並未叩首謝恩何以蠲率至此明訓著降爲內閣學
士候補○諭湯金釗等奏遵旨確查據實具奏一摺陝西巡撫楊
名鑾辦理工程前未將甯陝等五十七廳州縣應領墊辦兵差銀
兩捐輸修建緣由明白彙敘輒以率同城司道府縣各官捐廉督
辦等詞含混入奏實屬巧飾且於臨潼富平等缺輒將同卿謝長
年謝長清調補並因謝長年調補時出差未回復令謝長清前往
署理弟兄前後接任顯係爲人擇缺意存袒護楊名鑾著交部嚴
加議處定遠廳同知謝長年富平縣知縣謝長清因與該撫同鄉
均得調補並以同胞兄弟接任交代迹涉夤緣著交部議處至各
直省州縣等官弟兄同在一省照例應否回避著吏部查明具奏

○調隆文爲刑部右侍郎轉吉倫泰爲理藩院左侍郎以功普爲

理藩院右侍郎

由左副都御史遷

○戊申以李振祐爲左副都御史

由宗人府

府丞

○圓明園三殿災○己酉諭

英以一品大員於太監人等

懇求之詞不行拒絕經都察院遵旨將耆英議以革職自屬咎所
應得姑念其平日辦事無誤此案情節尚輕惟履霜堅冰不可不
防其漸耆英著革去尚書都統步軍統領內務府大臣加恩以侍
郎降補以示懲儆綜理庶政一秉大公議過之條務期允協在
廷諸臣其各體朕心勿事瞻徇勉副朕諄諄誥誡至意○以奕經
爲吏部尚書

由盛京將軍遷

○以凱音布爲成都將軍敬徵爲左都御史

由戶部右侍郎遷

○是月賑盛京大白旗堡等處山西朔州等十一州廳

縣貴州松桃廳災民展賑陝西神木縣災民蠲免山西朔州等十
一州廳縣陝西榆林府屬被災新舊額賦

冬十月壬子諭楊名颺於辦理工程含混入奏已屬巧飾又於臨潼富平等缺輒將同鄉謝長年調長清調補並因謝長年調補臨潼時出差未回復令謝長清前往署理弟兄前後接任顯係爲人擇缺意存袒護楊名颺著卽革職定遠廳同知謝長年富平縣知縣謝長清因與該撫同鄉均得調補並以胞弟兄接任交代迹涉賁緣謝長年謝長清均著降三級調用毋庸查級議抵再直省調署各缺例由兩司具詳不得以巡撫意存袒護一味迎合所有謝長年謝長清調署具詳之布政使按察使著陝西巡撫查取職名送部加等議處至州縣中弟兄同在一省例不同避其同在一府者例文本未明向經該督撫咨請部均照鹽場與地方官員父子同官一府之例令其回避以別府所屬之缺調補嗣後州縣官兄弟同在一府者著以別府所屬之缺調補該部卽纂入則例

通行遵辦○甲寅慶郡王綿懋薨賞治喪銀四千兩予祭葬諡曰
良○乙卯上臨故慶良郡王綿懋第賜奠○肅慶郡王綿懋爲
朕親叔慶僖親王之子秉性樸醇持躬謹飭自秋閒遘病展轉增
劇竟爾溘逝本日朕親賜奠悲惋實深敬仰體皇考友于之誼
著加恩再承襲郡土一次綿懋見無子嗣其應行立嗣承襲之處
著宗人府照例辦理綿悌綿性俱著賞假兩箇月辦理喪事○丙
辰加福州將軍長清太子太保已未諭向來科道等官於京外
各省事付如有風聞原許據實陳奏請旨查辦至應如何辦理之
處豈容妄逞臆見率行瀆請茲據給事中寅德奏江西廩生陳泰
來前因呈報開採鉛礦致被斥革請開復廩生飭令前往採辦實
屬糊塗冒昧更恐不勝給事中之任著回原衙門行走○庚申命
儀順郡王次子奕綏繼慶良郡王綿懋爲嗣仍襲郡王爵○丁卯

以琦琛爲左副都御史

山東大理寺卿遷

○庚午賜王端等六十人武進士

及第出身有差○壬申諭馬成金者准其以文生員兼襲騎都尉

世職嗣後承襲一二三等輕車都尉及騎都尉世職比照雲騎尉

恩騎尉之例准其以文武生員兼襲應試支食世職俸銀該部仍

於帶領引見時將應否兼襲之處聲明請旨其捐貢監人員概不

准其兼襲亦不准以本非文武生員將輕車都尉騎都尉世職改

作生員應試以示限制該部卽參入則例永遠遵行○甲戌諭給

事中鮑文瀾奏陶澐違禁私刊奏疏一摺並將原刊奏疏呈覽朕

詳加披閱其所刊刻俱係發鈔事件惟封疆大吏身膺重任所奉

硃批理當慎密方爲不負任委陶澐輒行刊布迹近沽名殊失公

爾忘私之義陶澐著交部議處至另片奏准北票鹽辦理不善等

語准北政行票鹽總期於國課民食兩有裨益如該督於每年奏

銷鹽課短紳該部自能參奏卽令民食不便其所行票鹽各省該督撫亦必具陳利弊候朕施行鮑文瀾此奏摺撫瑣屑意涉挾嫌此風斷不可長鮑文瀾著一併交部議處尋部議陶澍鮑文瀾均降三級調用得旨陶澍改爲降四級留任鮑文瀾著回編修任○是月貸甘肅涇州等八州縣山西山陰縣災歉口糧倉穀籽種蠲緩直隸景州等十二州縣水旱災新舊額賦緩徵河南安陽等十縣陝西綏德等九州縣湖北沔陽等十三州縣衛安徽壽州等二十州縣衛甘肅河州等十四州縣奉天三姓地方水旱災雹災新舊額賦展緩黑龍江等三處通穀湖南茶陵等九州縣通賦兩淮板浦等三場通課

十一月丙戌諭前據馮寶勳奏參廣西宣化縣知縣楊時行署任月餘責斃數命當交恩銘趙盛奎秉公確查具奏嗣據查明該員